

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0057090 24
Zenica, 14.05.2025. godine

OPĆINSKOM SUDU U VISOKOM
-Sudiji za prethodno saslušanje-
VISOKO

Na osnovu člana 45. st. 2. tačke h) i člana 241. st. 1. Zakona o krivičnom postupku FBiH, podižem

O P T U Ž N I C U

Protiv,

B. J., neosuđivan,

što je,

dana 10.09.2023. godine, oko 23,05 sati, u Visokom, krećući se lokalnim putem Liješeva - Hanovi, upravljajući putničkim motornim vozilom marke „...“ registarskih oznaka ..., vozio neoprezno i nedovoljno pažljivo, ne pridržavajući se saobraćajnih propisa, postupajući suprotno odredbama člana 39. stav 1. i 2. Zakona o osnovama bezbjednosti saobraćaja na putevima BiH, jer se vozilom kojim je upravljao nije kretao desnom stranom kolovoza, iako je bio svjestan da uslijed takve vožnje može nastupiti zabranjena posljedica ali je olako držao da će istu izbjeći ili će je moći spriječiti, pa je na taj način ugrozio javni saobraćaj i doveo u opasnost život ljudi i imovinu, te je tako vozeći, dolaskom u mjesto ..., prešao vozilom iz svoje desne saobraćajne trake u saobraćajnu traku namijenjenu za kretanje vozila iz suprotnog smjera i ostvario kontakt sa putničkim motornim vozilom marke „...“, registarskih oznaka ..., kojim je upravljao B. H., pa je uslijed ostvarenog kontakta navedenih vozila M. T. saputnik u vozilu „...“ zadobio tešku tjelesnu povredu u vidu preloma desne nadlaktične kosti,

dakle, ne pridržavajući se prometnih propisa, ugrozio javni promet i doveo u opasnost život ljudi, usljed kojih propusta je kod jednog lica nastupila teška tjelesna ozljeda,

čime je počinio krivično djelo teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi stava 1. KZ FBiH.